

記愚谿

王楙

王建逍遙谿亭詩曰逍遙公在此徘徊帝改谿名起石臺車馬到春常借問子孫因選暫歸來稀疏野樹人移折零落蕉花雨打開無主青山何所直貢供官稅不如灰劉禹錫傷愚谿詩序曰柳子厚歿三年有僧來告曰愚谿無復曩時矣悲不自勝遂爲七言以寄恨曰草聖數行留壞壁木奴千樹屬鄰家惟見里門通德勝殘陽寂寞出柴車今觀二詩深有感焉當逍遙公隆盛之日大官載酒奉常抱樂鑾輿翟禕增貢泉谷見誇於諸公者不一韋公去此才數世耳向者逍遙之地至於賣供官稅不如灰當子厚無恙之日所游愚谿皆一時名士而子厚物故未久乃至殘陽寂寞出柴車是何墮廢一至於此觀此二事重使人惻然前人墓緒後人鮮克保持雖欲委曲爲計有不可得李衛公平泉山居戒子孫曰鬻平泉者非吾子孫也以平泉一樹一石與人者非佳士也諄戒非不切至然平泉怪石名品幾爲洛陽大族有力者奪去嗚呼茲豈告戒所及哉

道藏輯要

天下名山記  
湖廣記愚王

美

軫集三  
三〇八